

0807 Успение святыя Анны, матере Святыя Богородицы

Успѣние святыя Анны, матере Святыя Богородицы, и память святыхъ жен Олимпиады и Евпраксии

НА ВЕЧЕРНИ

НА ГОСПОДИ, ВОЗЗВАХ:

стихиры святыя Анны на 6, глас 4.

Подобен: Дал еси знамение:

Законны оправдания соблюдаючи невредимо/ и Богу Вседержителю непорочно работаючи,/ сподобилася еси, Анно, мати быти/ по плоти Христа рождшей Чистой Богоотроковице,/ с Неюже ты ублажаем/ и святое твое успение// радостною мыслию празднуем днесь.

Жизни палату, Анно Богомудрая, рождши,/ к жизни представилася еси воистинну нетленной/ и совокупляешися с лики праведных,/ питающих ты богато Владычною радостью;/ темже твое преставление совершаем, приснопоминаемая,// и верно почитаем, Богомудрии, днесь.

Дверь Небесную, Анно Богомудрая, рождши,/ к Небесному селению востекла еси, славная,/ и славы Божественныя ныне наслаждаешися./ Ейже и нас, честное твое успение празднующих,/ молитвами твоими сподоби,/ страстей мрак разоряючи// и лютых обстояний мглу отгонящи.

Ины стихиры, глас 1.

Подобен: О, дивнаго чудесе:

Се светозарное торжество/ и светлый день и миру, радостный,/ успение честное и достохвальное Анны благославная,/ из неяже родися Жизнь рождающая,/ одушевленный кивот, невместимое Слово вместившая,/ печали разрешение и радости Ходатаица,// подающая всем верным велию милость.

О, преславнаго чудесе!/ Источник жизни преславно рождающая,/ едину в женах благословенную Чистую,/ представляется от временныя жизни к безконечней/ Анна благославная,/ от земли вземшися к Небесным,/ днесь

срадоватися ангельским собором,/ еяже ныне святое
празднуем торжество.

Днесь светлое торжество, верных лица,/ успение твоё че-
стное почитаем всеблагоевённо/ Божественным Духом:/
наста бо нам исцелений блистающая благодать,/ и попа-
ляющая воздушных духов лукавых совокупления,/ и
светом наставляющая мысли/ верою воспевающих твоё,
досточудная Анно/ честное преставление.

«Слава, и ныне» – глас 8. Анатоліево:

Иже от неплодных чресл/ жезл святой, Богородицу, про-
зябший/ из Нейже спасение миру возсия – Христос Бог,/
супруг непорочный и двоице святая, Иоаким и Анна;/ сии
бо, преставльшися к Небесным селением,/ со Дщерию
своею Пречистою Девуою/ и со Ангелы ликуют,/ о мире
молитву творяще./ Ихже и мы, сошедшися, благочестно
поюще, глаголем:/ иже Богоотроковицы ради и Пречис-
тыя Марии,/ праотцы Христовы бывше, // молитесь о ду-
шах наших.

НА СТИХОВНЕ СТИХИРЫ, ГЛАС 5.

Подобен: Радуйся:

Радуйся, мысленная ластовице,/ весну благодати нам
возвестившая,/ непорочно в целомудрии жительствовав-
ши добре,/ и девства сокровище,/ честно болезновав-
шая,/ Непорочную Богородицу,/ агнице честная, яже
рождающая Юницу,/ вземлющего Агнца мира прегрешё-
ния,/ словом Слово рождающую, едину Неискусомужную,
Анно, прамати Господня, ты от земли пресельшаго./ Егоже
ныне моли душам нашим даровати велию милость.

Стих: Радуйтесь, праведнии, о Господе,/ правым подо-
бает похвала.

Радуйся, вожделенная Богу,/ избранная святостьюми
сияний закона,/ двоице честная,/ яже изъявления добре
Божественною благодатию предлагающая,/ Христа рожд-
шую, Начальника жизни нашей, Та родивши,/ Иоаким Бо-

гоприятный и Божественная Анна всечестная, / светильницы, возсиявши свещу бесценную, / благоправящи благодать, Пречистую Богородицу. / С Неюже молитесь / душам нашим даровати велию милость.

Стих: Блажени вси, боящися Господа, / ходящии в путех Его.

Радуйся, благословенная земле, / яже Богопрозябшую миру землю процветшая, / яже в законе Божественном безпрестани поучающаяся / и благодать всем подписавшая, / союз неплодствия рождеством своим избегшая, / и смертью нетление воздающая, / и к Божественней представляющаяся светлости Анна Богоблаженная, / прамаи Христа Бога, / яже светносный светильник – Богородицу рождающая. / С Неюже испроси душам нашим даровати велию милость.

«Слава, и ныне» – глас 8:

Приидите, вся тварь, в кимвалех псаломски, сошедшеся, / восхвалим Анну Богомудрую, / Божественную гору рождающую от ложесн своих / и к горе мысленней и райским селением / днесь преминувшую, и к ней возопием: / блаженное чрево твоё, / носившее воистинну Свет миру внутри во чреве носившую, / и сосца твоя красная, яже ссаше доившая Христа, / пищу жизни нашея. / Егоже моли избавити нас от всякия скорби и прилога вражия / и спасти души наша.

Тропарь, глас 4:

Жизнь рождающую во чреве носила еси, / Чистую Богоматерь, Богомудрая Анно. / Темже к приятию Небесному, / идеже веселящихся жилище, / в славе радуешься, ныне представилася еси, / чтущим тя любовью прегрешений просящи очищение, // присноблаженная.

На повечерии канон святых жен, егоже краеграние: Честным женам честное пою пение. **Глас 8, Иосиф.**

Песнь 1

Ирмос: Колесницегонителя фараона погрузи/ чудотвори
иногда,/ Моисейский жезл, крестообразно поразив/
и разделив море,/ Израиля же беглеца, пешеходца спасе,/
песнь Бóгови воспевающа.

Плотскою немощию сильного врага низложите,/ и присвободитесь к Бóгу, преподобныя жены,/ молящиеся силу всем нам подати спасительную.

Уязвитесь добротой Жениховой и во след Его прилепитесь псаломски,/ последующе живоносным стопам Его,/ и сего ради низложите врага змия.

Увидевше труды постническими телесныя доброты,/ украсите ваша души/ и со Христом Женихом в чертоги светлыя внидете, преподобныя.

Богородичен: Невестник показася световиден утроба Твоя, Дéво,/ милости ради телесно из Тебе воплотившагося Гóспода/ и всяческая Богоразумия лучами просвещшаго.

Песнь 3

Ирмос: Небеснаго круга Верхотворче, Гóсподи,/ и
Церкве Зиждителю,/ Ты мене утверди в любви Твоей,
желаний краю, верных утверждение,/ Еди́не Человеколюбче.

Презрела еси доброту телесную, пречестная,/ и мимоградущую славу, яко сон, вменила еси,/ во смирении же, Олимпиадо, и пощении Бóга взыскала еси, Богоблаженная.

Младенствующи леты, нас ради Младенца Слова, на землю, Евпраксии, пришедшаго,/ верою возлюбила еси/ и Того образу душу связала еси, непреложна пребывши.

Отвергостесь мира и плоти мудрования,/ воздержанием же и труды стяжавше Христа, Жениха Пречистаго,/ чертог Небесный, подающего вам Божественное наслаждение.

Богородичен: Священных пророк священныя трубы древле Ты провозвестиша,/ дверь Света рождшую и свиток одушевленный,/ на немже не руками Слово написася паче слова, Пречистая Дéво.

Песнь 4

Ирмос: Услышах, Гóсподи,/ смотрения Твоего таинство,
разумех дела Твоя/ и прославих Твое Божество.

Странноприемница усерднейша была еси, собор священныя упокоевающи/ и Христа о сем веселящи, за милосердие страна бывшаго.

Доброту пречистую любимаго видевши Жениха твоего, Евпраксии,/ увидила еси плоти доброту воздержанием.

Дремание отринувше от душевных веждей священныя жены,/ успите движения телесная воздержанием.

Богородичен: Воплотившагося Тебе, Гóсподи, от Пречистыя Дéвы преподобныя возлюбивше,/ в воню мира Твоего потекóша,/ Твоею уязвившеся Божественною любовью.

Песнь 5

Ирмос: Вскую мя отриуул еси/ от лица Твоего, Свете Незаходимый,/ и покрыла мя есть чуждая тьма, окайнного,/ но обрати мя и к свету заповедей Твоих/ пути моя направи, молюся.

От источника напаяема, вселенную всезлатыми учении священного пастыря напоившаго,/ класы прозябла еси добрыя детели, Олимпиадо,/ имиже питаеши сердца нас, чтущих тя.

Блаженными надеждами твою славленную душу укрепльши/ и пищею невещественною питаема, ума чистотою дельми многими/ терпеливно алчбу, Евпраксии, претерпела еси, радуящися.

Умертвившеса миру, наследовасте жизнь безсмертную/ и чертога Божественнаго сподобистеса, Богоблаженныя,/ свещи ваша постническим елеем неугасимы соблюдше, всечестныя.

Богородичен: Божие Бог Слово во утробу Неискусобрачную волею вселися/ и Человек узрен бысть, Иже Девкою соблюды Тя, Пречистая,/ Егоже желаяще, отроковицы постнически Сему последоваша житием светлым.

Песнь 6

Ирмос: Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближися,/ и молюся, яко Иона:/ от тли, Боже, возведи мя.

Иона сущи, Евпраксия болезней усердием, благочестивым помыслом/ ветхаго записателя попираше в немощи женстей телесе:/ утверждала бо сию Христос, Иже в нашу облекся немощь.

Воздержание и смиренное сердце, бдение с милостынею,/ разум, и веру праву, и совершенну любовь, Олимпиадо, стяжавши, славная,/ была еси храм Божий и чудес источник неоскудный.

Устранивше себе житейских сластей терпением болезней постнических,/ на землю Сошедшаго нас ради и волею Странствовавша/ вы, честныя, сего ради стяжасте на Небесех, странноприимствовавша вас, досточудныя.

Богородичен: Чистоты Тя и чиста девства чистый сосуд, Отроковице, Содетель обрет,/ словом в пречистое Твое чрево вселися/ и всю вражью от человек злобу изгна.

Седален, глас 8.

Подобен: Повеленное:

В молитвах тайных бдяще и наслаждшеса писаньи Богодохновенными,/ Олимпиада и Евпраксия славная/ на раму Господень взяша Крест и, Сему последующе воздержательно,/ всю лествию низложиша, зовуще Христу:/ Женише Небесный, Ты буди нам утверждение.

Песнь 7

Ирмос: От Иудеи дошедше, отроцы/ в Вавилоне иногда/ верую Троицкою пламень пещный попраша, поюще:/ отцев Боже, благословен еси.

6

Славу тлеющую на нетленную премениша любовию, преподобных, / еяже наслаждающеся присно, радующеся и веселящеся, поют: / благословен Бог отец наших.

О, како претерпел стояние, алчбу же на дни многи, Евпраксии, / Христу вопиючи, Жениху: / благословен Бог отец наших.

Велик ты сосуд узрев Божественного Духа, Олимпиадо, / богато великими своими исполняет ты учении / в патриарсах великий Златослов, блаженная.

Богородичен: Разрешила еси едина клятву праматернюю / всех благословенными венчающего Христа рождши, Дево, Ему же поем: / Господи Боже, благословен еси во веки.

Песнь 8

Ирмос: Победители мучителя и пламене / благодатию Твоею бывше, / заповедем Твоим zelo прилежаще, отроцы вопияху: / благословите, вся дела Господня, Господа.

Помыслу, дево, страсти безсловесныя повинула еси, / и Жениху Слово уневестившися, непорочная чистая, вопиючи: / благословите, вся дела, Господа, пойте и превозносите Его во веки.

Вашими подвиги темнаго князя низложше, / венец нетления нам исходатаиша, и райския входы, отроковице, / и Божественное наслаждение в радости души во веки.

Распеншесе миру и Божию любовию уязвившесе, священныя девы, / вкушением сладким Еву уязвившаго, воздержания стрелами уязвите, / воспевающе Христа во веки.

Богородичен: Иисуса рождая, от чистых кровей Твоих воплощенна, / девы вся собрала еси, Пречистая Дево Мати, и с ними вопиючи: / благословите, вся дела, Господа и превозносите Его во веки.

Песнь 9

Ирмос: Воистинну Богородицу, / Тя исповедуем, / спасеннии Тобою, Дево Чистая, / с Безплотными лики Тя величающе.

Красныя Владыце, и богоглаголивия горлицы, / и ластовицы светлыя и чистолюбивыя, / в доброты Небесныя приведени бысте.

Сочтастесе с Вышними ликостоянии и во избранных соборех вселистесе, / о нас молящеся любовию щедрому Богу.

Память Евпраксии и Олимпиады, яко солнце, миру возсия, / верных мысли просвещаючи, Христа величающих присно.

Богородичен: Света сущи приятелице, / просвети, Дево, омраченную страстьми душу мою / и крещения тьмы избави мя мольбами Твоими.

Стихиры святых жен, глас 1.

Подобен: Небесных чинов:

Тайнословца пророка / и учителя нашего / ученицу в песнях / Олимпиаду согласно почтим достойно / и с нею

восхваляюще целомудренную и чистую Евпраксию, / яко Христу молящуюся спастися нам.

Благочестия исчадие / и удобрение монашествующих сущу, / песньми достойно почтим согласно, вси вернии, / Евпраксию целомудренную, / яко молящую Зиждителя о нас, / спастися душам нашим.

«Слава» – глас тойже:

Ты, земную красоту совлékши, / добре благою часть избрала еси, Богомудрая, / юже обрете Марія, / и, вся абие оставльши временная, / добродетелию прияла еси / мысленный бисер многоценный.

И ныне: Достойно есть:

НА УТРЕНИ

На Бог Господь: тропарь Анны святыя, трижды. Богородична не глаголем.

По 1-й кафизме седален, глас 4.

Подобен: Скоро предвари:

Твое празднуем, праведная Анно, успение, / славою бо неизреченною прослави тя Христос Бог, яко праматерь Свою. / Темже, преставльшися, Того моли мир молитвами твоими подати нам, / покрываючи от сопротивных души наша.

Слава, и ныне, Богородичен:

Обновила еси, Чистая, Божественным Рождеством Твоим / истлевшее во страстех земнородных мертвенное существо / и воздвигла еси вся от смерти к животу нетления. / Темже Тя по долгу блажим вси, Дево Препрославленная, / якоже прорекла еси.

По 2-й кафизме седален, глас 4.

Подобен: Удивися Иосиф:

В руке нас ради от Девы вочеловечашася предавши душу, / ибо Зиждитель твой и Бог к нетленной жизни престаи ты. / Темже ныне честно ублажаем ты, / яко единой Честней и непорочней воистинну Богородице сущую мать, и согласно взываем: / Зиждителя Твоего и Бога, Христа Спаса нашего, моли / спастися душам нашим.

Слава, и ныне, Богородичен:

Удивися Иосиф, еже паче естества зря / и внимаше мыслию, иже на руно дождь, в безсеменном зачатии Твоем, Богородице, / купину, огнем неопалимую, жезл Ааронов прозябший, / и, свидетельствуя, обручник Твой и хранитель священником взываше: / Дева раждает и по рождестве паки Девою пребывает.

Аще празднуеши, величание:

Величаем ты, / святая праведная Анно, / прамати Христа Бога нашего, / и всечестное славим // успение твое.

Каноны Октоиха оба без мученична и святыя на 6, глас 4.

Песнь 1

Ирмос: Отвѣрзу уста моя/ и наполнятся Духа,/ и слово
отрыгну Царице Матери,/ и явлюся, светло торжествуя,/ и
воспою, радуясь, Той чудеса.

Согрешений прощение, и злых избавление,/ и житий исправление ныне ми испроси,/ твою светоносную память почитающему днесь, Анно всехвальная.

Живот рождшую боголепно родила еси,/ темже к присножизненной жизни представилась еси,/ наслаждающихся радости неизглаголанная и Света невечернего, Анно Богозванная.

Благодать Божественная к радости представи,/ без семени юже роди Дщи сея Чистая,/ и предстоит со многим дерзновением,/ Господеви молящихся спастися всем.

Праведно и преподобно поживши, всехвальная,/ к Праведному Господу ныне представилась еси/ радоватися с праведными, иже от века,/ темже, сошедшися, ты верою почитаем.

Богородичен: Из Тебе нам возсия Солнце праведное,/ и всю озари Богоразумием землю,/ и разори мглу неразумия, Чистая, Всенепорочная, и Всеблаженная.

Катавасия: Отвѣрзу уста моя:

Песнь 3

Ирмос: Не мудростию, и силою, и богатством хвалимся,/ но Тобою, Отчею Ипостасною Мудростию, Христе,/ несть бо свят, паче Тебе, Человеколюбче.

Заченшую Содержащаго вся зачала еси/ и родила еси паче слова Христа рождшую,/ темже твое успение, Анно, почитаем.

С похвалами совершается славная память твоя,/ яко родила еси нам хвалений превышшую,/ Чистую Богоматерь, Анно Богоприятная.

Якоже солнце с луною, Анне совокупляясь,/ славный Иоаким, девства зарю раждает,/ Еяже ради Божества луча просия.

Гору Божественную из чресл твоих родила еси/ и к горам мысленным и рай селением, Анно, преминула еси, Богоблаженная.

Богородичен: Ты Предстательницу твердую, Богородительнице, стяжанием,/ упование на Тя возложивше, спасаемся/ и, к Тебе бо прибегающе, ограждаемся.

Седален, глас 8.

Подобен: Премудрости:

Матере Владыки и Творца/ мати была еси, Анно всехвальная, Того повеления присно хранящи,/ сего ради, умерши, к жизни безсмертней представилась еси воистинну/ и к Свету невечернему./ Темже светоносную и святую твою память совершаем,/ духом просвещаеми всегда, и согласно вопием ти:/ моли Христа Бога грехов оставление даровати/ чтущим любовь святую память твою.

Слава, и ныне, тойже.

Песнь 4

Ирмос: Седяй в Славе на Престоле Божества/ во облаце
лэгце,/ прииде Иисус Пребожественный/ Нетленною
Дланию и спасе зовущия:/ слава, Христе, силе Твоей.

Яже в законе писаная, поучающися, совершила еси/ и Законодавца Матере матери бы-
ла еси,/ темже тебе вся тварь по долгу ныне сотворяет твою радостно память.

Блаженное чрево твоё воистинну,/ носившее Свет мира внутрь во чреве носившую,/ и
сосца твоё красная,/ яко доившая доившую, Анно, Христа, Питателя нашего.

Яко поживши непорочно, Юже непорочно родила еси, Богородицу Отроковицу,/
Слово Отчее породившую,/ и к Немю со славою вселилася еси,/ обожена честными
воистинну причастии.

Богородичен: Девы чрево – стог, якоже на гумне, воистинну явися,/ клас неделанен
имущи, имже питается всякое естество, зовущее:/ Всесильне, слава, Христе, силе
Твоей.

Песнь 5

Ирмос: Нечестивии не узрят славы Твоей, Христе,/ но мы
Тя, Единородне,/ Отческие Славы Сияние Божества,/ от
нощи утренююще,/ воспеваем Тя, Человеколюбче.

Небо родила еси на земли воистинну, рождшую Небесе Творца,/ днесь ты представ-
ляющая к Небесным со славою, Анно преславная.

С невещественными чинми невещественным умом ликуеши радостно,/ исполняема
сияния Боготавца,/ но нас поминай, верою хвалящих тя.

От корене Иессеева прозябшая яве,/ благоцветущий жезл, Чистую, израстила еси,
славная,/ израстившую цвет неувядающий, Иисуса, Избавителя нашего.

Богородичен: К Тебе прибегаю единой державней, верных покрову,/ на Тя надежду
возлагаю спасения моего,/ Пресвятая Владычице Богородице, не презри мене.

Песнь 6

Ирмос: Пожру Ти со гласом хваления, Господи,/ Церковь
вопиет Ти,/ от бесовския крове очищися/ ради милости
от ребр Твоих/ истекшею Кровию.

Господа Иисуса Бога праотцы,/ Иоаким же и Анна, правдою украшени,/ по дос-
тоянию в песнях да восхвалятся днесь.

Всяческих похвал Анна превзыде,/ яко всякия похвалы превозшедшую родила есть,/ сего ради в лице праведных водворяется.

Светоносия и светлости исполнена память твоё,/ сияния же в мире спасительная ис-
пущающая,/ целомудренная Анно, дарований всяческих исполни.

Ручку, манну Божественную вместившую, во чреве носила еси, Анно,/ и, с Нею ныне
на Небесех живущи,/ о всех молишися, прехвальная.

Богородичен: От Анны миру родилася еси,/ Царице, всех Царя рождающая,/ и,
девствующи по Рождестве, Херувим превышши, Пренепорочная.

Конда́к, глас 2. Подобен: Вы́шних ища́:

**Прародителей Христо́вых па́мь прáзднуем, / тех верно
просяще по́мощи / избáвители́ всем от всякия скóрби, / зо-
вущим: Бог наш с на́ми, // сих прославлей, я́коже благово-
ли́.**

Икос:

Проро́чески снiдемся вси досто́йно пéти прамáтере Христо́вы блаже́нное престав-
ле́ние: / днесь бо от вре́менныя преста́вися жи́зни, / на Небесéх с радóстию шéствие
творящи, радуется, / я́ко сýщи ма́ти и́стинныя сýщия Богороди́цы, и взывáет véрно: /
вели́чит душá моя́ Гóспода, я́ко родих Сего́ Мáтерь на землi, / Иже Сию́ прославлей,
я́коже благоволи́.

Песнь 7

**Ирмо́с: Спасый во огни́ авраáмския Твоя́ о́троки / и халдéи
убив, / я́же Прáвда прáведно уловля́ше, / препéтый
Гóсподи, / Бóже отéц на́ших благословéн еси́.**

Яко жи́зни и́стинныя, Анно, Мáтерь рóждши, / к жи́зни и́стинней преста́вилася еси́ ко
свéту, взывáющи: / препéтый Гóсподи, Бóже отéц на́ших, благословéн еси́.

Иже Мáтери Избáвителя ма́ти сýщи, Анно, / от землi к Небесi, добродéтельми ук-
ра́шена, востече́, во хвалéнии зовýщи: / Бóже отéц на́ших, благословéн еси́.

К несконча́емей жи́зни, к пространней широтé райския пи́щи, / к невечéрнему свéту
отшла́ еси́, Богоно́сице, зовýщи: / Бóже отéц на́ших, благословéн еси́.

Испещре́на добродéтельми, добро́тою Божéственных даровáний укра́шена, / к Бóгу
преложис́я, непреста́нно зовýщи: / препéтый Гóсподи, Бóже отéц на́ших, благословéн
еси́.

Богородичен: Укра́шена добрóтами добродéтелей, / крáснаго пáче сыно́в чело-
вéческих и родила́ еси́ Сло́во, Пренепорóчная, / крáсными лепóтами украша́ющаго Те-
бе́ песносло́вяхи.

Песнь 8

**Ирмо́с: Отроки благочестíвыя в пещи́ / Рождество́ Бого-
рóдичо спасло́ есть; / тогда́ у́бо образú емое, / ны́не же
действуемое, / вселéнную всю воздвизáет пéти Тебе́: /
Гóспода пойте, дела́, / и превозносите́ Его́ во вся véки.**

Ма́ти еди́ныя Богороди́цы, я́же непло́ды прéжде, ны́не же прамáти Христо́ва, / я́коже
непло́дства, си́це и мёртвости, совлéкши оде́жду, во странé живýщих вопиéт: /
Гóспода пойте, дела́, и превозносите́ Его́ во вся véки.

Христóс тебе́ двéри Вы́шния отвéрзе, радóстно ты прият, / я́ко дверь родила́ еси́, ё́уже
Сам про́йде и затворéну яви́ по исхождéнии, / Богомúдрая досто́йнопéтая Анно, /
тёмже ты почита́ем, véрнии, во véки.

Свято житиё скончавши, Святыя Приснодэвы ма́ти была еси́,/ Яже Пресвятое Слово породí, освящени́е и избавлени́е нам подаю́ща,/ Богому́драя и досточу́дная А́нно,/ те́мже ты поём́ присно, ве́рнии, во ве́ки.

Богородичен: Мно́гими мя содержи́ма беда́ми и бу́рею грехо́вною бе́дствующаго,/ ко приста́нищу невла́емому дыха́ний Ду́ха, Богороди́тельнице Влады́чице, ны́не наста́ви:/ приста́нище бо еси́ христиа́н./ Те́мже Ты поём́ во вся ве́ки.

Песнь 9

Ирмо́с: Ева́ у́бо недуго́м преслуша́ния/ кля́тву всели́ла естъ;/ Ты же, Де́во Богороди́це,/ прозябе́нием чревоноше́ния ми́рови Благосло́вение процвела́ еси́./ Тем Ты вси велича́ем.

От земли́ чре́ва твоего́ вои́стинну роди́ся земля́ свята́я,/ неде́ланен клас прозя́бши безсе́менно, ми́рови Пита́теля и Го́спода,/ тебе́ к пи́щи неизжива́емой, А́нно, прему́дро преставля́шаго.

Па́мь тво́я днесъ нам возсия́, со́лнца светле́йши,/ сия́нием бога́тых даро́в нас просвеща́ющи, всечестна́я, и мрак страсте́й изыма́ющи,/ ю́же соверша́ющих сохрани́.

Боже́ственный нас Иоаки́м и А́нна Богому́драя и всесла́вная,/ супру́г честны́й и светоно́сный, созыва́ют боже́ственне веселити́ся сих пра́здником,/ его́же уясни́ Светода́вец всех Госпо́дь.

Богородичен: Мари́е Госпоже́ всех, вся́кими мя порабо́щена согрешени́и ны́не свобо́ди:/ Сама́ бо Свобо́дителя роди́ла еси́ всех,/ рабо́ты нас изба́вляшаго грехо́вныя, Боже́ственным манове́нием.

Свети́лен.

Подобен: Со ученики́:

Досто́бно воспоём́ Богозванну́ю А́нну:/ Богороди́цу бо та Де́ву Мари́ю ро́ждши па́че наде́жды,/ сродни́ца по плóти Христа́, Изба́вителя на́шего, явися́,/ сио́ боголе́пно прие́мшаго днесъ в Вы́шних, о нас моля́щюся и о умирени́и ми́ра.

Сла́ва, и ны́не.

Подобен: Не́бо звезда́ми:

Не́бо ро́ждши, А́нно, но́вое, Мари́ю, Ею́же возсия́ сла́вы Со́лнце,/ днесъ от земли́ к Небе́сным преходи́ши,/ Христу́ сра́дующися, пресла́вная.

НА ХВАЛИТЕХ СТИХИРЫ НА 4, ГЛАС 1.

Подобен: Небе́сных чино́в:

Па́мь соверша́юще честну́ю,/ Тебе́ воспева́ем, Христе́,/ пресла́вно А́нну от жи́зни привре́менныя/ к непреста́ющей сла́ве преставля́шаго ны́не,/ я́ко ма́терь сущю́ю/ безсе́мене ро́ждшия Ты па́че естества́// Богороди́цы и Приснодэ́вы Ма́тере.

Па́мь святу́ю соверша́юще/ пра́отец Христо́вых Иоаки́ма и А́нны,/ честны́х и непоро́чных,/ прославля́ем непреста́нно Изба́вителя и Ще́драго Го́спода,// сих преставля́шаго к жи́зни нестарее́мей и нетле́нней.

К невещественным ликом и праведных селением, / идеже ангельстии чини, / идеже святых собор, / радость празднующих совершается, / и ныне духи праведных Иоакима и Анны всели, // ихже благочестно восхваляюще, ублажим.

«Слава, и ныне» – глас 2:

Приидите, любодевственнии вси / и чистоты рачителие, / приидите, празднуем Аннино честное успение: / ибо та породила паче естества источника жизни, / Марию Богоотроковицу, / из Неяже родился Избавитель, / просвещающий и освящающий души наша.

Славословие великое и отпуст.

НА ЛИТУРГИИ

Блаженны от канона, песни 3-я и 6-я. Прокимен, глас 4: Дивен Бог во святых Своих, / Бог Израилев. Стих: В церквах благословите Бога, Господа от источник Израилевых. Апостол к Галатам, зачало 210. Аллилуия, глас 1: Спасение праведным от Господа, и защититель им есть во время скорби. Евангелие от Луки, зачало 36. Причастен: Радуйтесь:

Успение праведной Анны. Праведная Анна, мать Пресвятой Богородицы, происходила родом из мессианского колена Левина (по отцу) и мессианского колена Иудина (по матери). Дочь Матфана, она была супругой праведного Иоакима, потомка царя Давида, которому Бог обещал, что от семени его потомства родится Спаситель мира.

После двадцати лет брачной жизни праведные Иоаким и Анна не имели детей и глубоко скорбели об этом. Но они не роптали на Бога и со смирением переносили бесплодие, считавшееся у древних иудеев позором. После того как однажды во время большого иудейского праздника дары праведного Иоакима, принесенные Богу в ветхозаветный храм в Иерусалим, были отвергнуты израильским книжником Рувимом (на том основании, что у Иоакима нет потомства), праведный Иоаким удалился в пустыню. Здесь он постился 40 дней и 40 ночей, пребывая в молитве. Праведная Анна в это время также молилась Богу, умоляя Его даровать ей ребенка. Праведная Анна дала обет, если у нее будет ребенок, посвятить его Богу. Внезапно ей явился Ангел Господень и сказал: «Не бойся, Анна, ибо твой отпрыск предрешен Богом и то, что родится от тебя, будет в почитании во все века, до окончания их».

В то же время Ангел Господень явился святому Иоакиму со словами утешения: «Знай о твоей жене, что она зачнет Дочь, Которая пребудет в храме Бога, и Дух Святой почитет на Ней, и благословение Ее будет на всех святых женах... и Сама Она будет благословенна и станет Матерью вечной благодати».

По возвращении домой из пустыни праведный Иоаким совершил Богу принятые по закону жертвоприношения. Через девять месяцев праведная Анна родила дочь. Благочестивые супруги нарекли Ее Марией.

Праведный Иоаким преставился в 80-летнем возрасте, через несколько лет после введения во Храм Пресвятой Девы Марии. Праведную Анну в возрасте 70 лет Бог сподобил провести два года при Иерусалимском храме, где она воспитывала свою Благословенную Дочь. По преданию, праведная Анна мирно почила о Господе в Иерусалиме через два года после блаженной кончины праведного Иоакима.

При святом благоверном царе Иустиниане (527–565) в Девтере был выстроен в ее честь храм. Император Иустиниан II (685–695; 705–711) обновил этот храм после того, как праведная Анна явилась его беременной супруге. После этого события тело праведной Анны и ее мафорий (покрывало) были перенесены в Константинополь. В память святых праведных Богоотец Иоакима и Анны воздвигались храмы и монастыри и в Русской Православной Церкви. В литургической жизни имена праведных Иоакима и Анны ежедневно воспоминаются во время Богослужений.